

十



識舟亭看山間紅樹

張大有

何處西風不蕭瑟長林一抹綴紅霞幾番啼月未成  
血纔自經霜便作花碎剪瓊箋題御苑忙傳鴈字徧  
天涯夕陽樹抄憐秋老故襯殷鮮闔晚華

登赭山遇雨

前人

醉自扶筇吹欲醒蒼茫彌望雨冥冥描摸黛色看宜  
濕江上迤邐到處青

登白紵山同潘景升分韻

祝可仕

春風三度過吾廬得伴躋扳破涕初洞口蚪枝雷雨  
化坡前香韻雪霜餘四山圖畫供新譜數艇烟波狎  
老漁快有安仁歌白紵冷然雙翼欲凌虛

無相寺

前人

載酒招提共問禪春風二月百花妍光澄一水涵天  
影秀發千山散曉烟鳳輦不來芳草合龍章猶在翠  
雲連只今蓮社容元亮頌聖誰將白雪傳

秋日過馬山庵

王綮

亦是舊遊地重遊山更奇樹圍高閣窈巖礙夕陽遲  
桂粟香生砌桐陰碧覆池小窓餘短夢猿鶴若爲期  
秋日錢明初邀飲雷巖

前人

落落長松矗古臺登臨今笑少人來雲衣半染山偏  
媚霜葉初酣菊漸開江郭帆檣晴自遠水鄉塲圃晚  
相催扁舟向夕蒹葭亂何處寒流可遡洄

春日登黃峰

張一躍

凌敲遺跡野苔封紺宇斜連第幾重一派春流環古

岼半山殘照下青松幽人石借參差榻大地烟迷遠  
近峰最是花韉人去早獨憐清興寄疎鍾

初夏飲無相寺分得微字

前人

寂歷空門晝掩扉一尊同解薜蘿衣苔垣草徑無人  
到淺浪垂楊有鳥飛天外晴嵐時出沒湖邊雲樹白  
熹微醉來堤上斜陽滿正是山僧乞食歸

辭建百歲坊

李一策

天懷靜以悅豈曰與爲嬰讀史知前哲儲書教後英  
有子食我酒種秫隣其秬有孫意深拓欲養山中生  
陟原緩携杖曝日神不驚採薇與洗耳古人安知榮  
百歲亦易得區區何足名

遊蠓磯

李一公

招攜春早大江頭有石如拳水上浮砥柱不隨波作  
錦浪花無似雪成湫凌虛帆艇交光亂隔岸樓臺倒  
影稠得日登臨須拚醉謾題吳漢事生愁

仲夏同鍾象台程星海江軒孺泛舟姑溪宿舟

上卽事

倪芳胤

竭來尋形曠振舵橫中流遠岫獻晴媚長川涵夕悠  
柳看黃鳥變沙對白鷗浮曖曖雲入樹纖纖月上舟  
閒從漁父問狂逐少年游秀色偏羅綺清歌遲甸洲  
巖城鳴鐸急絳蠟且夷猶鄰舫窺傾竿潛蚪聽落籌  
遙浸敵酒薄遠火覺汀幽借此枕流意一破如山愁  
登雷巖喜世符弟至共飲巖下 前人

且艤單舫步林丘屐齒鏗然石磴幽黃葉亂飛清古  
木白蘋初放冷滄洲天邊雙岫齊排檻郭外千家曲  
抱流正是茱萸兄弟會插花遲汝共淹留

三山磯

前人

一帶晴沙白千林衰柳黃斷崖開小市孤戍鎖長江  
日落帆檣集天寒鴻雁忙淒清消萬慮抱卷卧蓬牕

荆山寒壁新圖歌

葛綱

却道荆山山峙峭綠江歷歷殊生巧江砂一派水溶  
溶週遭痕落容秋島上有鶴跡印苔明仍有碑字封

烟草衆峰直上日月低絕壁遙窺江練皎斷續過雲  
着色鮮參差垂蔓忘年老細礪流飛響玉寒長松圍  
葉栖猿鳥我曾捨擢一登之桃花迷漫茲山杳雨過  
嵐光凝欲流清鍾隱約翻昏曉別有蘭榭立巖阿而  
我仙郎敦勝好仙郎仙路得易尋仙源水色空人心  
仙郎爲政亦如此於此寒壁無古今水聲憂憂鳴玉  
琴千樹掩映甘棠林

雷岩題石

倪祚胤

海日洞天光松風倒孤壁萬象此俱空幽源渺無極

荆山

沈希韶

平田分峙亦亭亭閑徑何須是五丁石氣寒凝千頃  
碧波光澹落兩山青雨淋松檜珠爲箔霞映莓苔錦  
作屏溪畔老僧時洗鉢水風猶自帶龍腥

登采石磯

徐紹泰

采石磯峙江之中危岬突兀誰與同皴裂隣幽神斧  
功翠葛蒼藤垂朦朧青煙綠霧捲鬱蔥俯臨有仞江

聲洪兩梁夾立斷長虹遙驅銀濤萬里風倒翻日月  
無時窮滔滔滄海扶桑東伊昔青蓮太奇蹤錦袍玉  
鞭鯨鱗紅太真犀光徹冥封朱衣絳幘怪影空古人  
既往何所逢高天野鶴鳴喬松我來顧眺心魂雄射  
潮破浪驚蛟龍宇宙茫茫不可從狂醉白雲金碧宮  
一聲鐵筵山靈通騷人羽客誰住青桂之深叢欲逞  
與語樂無終

姑溪泛月

曹履吉

籬落尋常水月鄉間君何事戀流光沙邊人影來千  
里天半霜華散小陽假到楚舫初弄楫顧殘吳曲更  
飛觴清溪狎主如今夜殊勝東山且自狂

登金桂山敬和先大父封公

元韻

前人

漫躡飛梯七折輕相輪誰識斷鼇成平沙徑拔金天  
柱去浪聲環水國城添與凌歊雙塔鎮遙將楊子二  
梁橫卽今多少觀風意已占當年創始情

同韓孟郁登凌雲山慨欲家子東畝走筆堅之

前人

咄咄歸何事好秋去未看忽借新盟人始尋故山歡  
我已似攜謝山如驕識韓故將凌冬枝不令秋容殘  
絳衣穿楓末未知誰作丹白沙消水出行復添幾盤  
渺渺庾關程雙飛無羽翰何來長風吹同飄雲嶺端  
豈不思者勞而匪合者難此意寒山知冥對應未闌  
君徐起誓我一枝從子安謝客舊棲處荒廬所面巒  
今古均一托數弓寧在寬高天聞此語恐未許君謾

同諸詞人坐尼坡有感

前人

野人貪愛客家寶出溪山搜此一拳突仰看羣岫環  
漁樵欣讓坐屈宋漫窺班長歎封侯者艱難乞玉關  
期世符菴於尼坡下詩以堅之 前人

却月存梅種開林向此求好分千佛眼寄上百花頭  
置磴俱因石收峰不必樓袈裟拋便得須笑道旁謀

舟行望夫磯初見雨後瀑落二首 前人

十里磯山古新看過雨泉隨虛紛浣絮就曲各安絃



伏處偏施翠飛來若鬪烟平生寫黃鶴對本悵難傳  
自耽雲水癖磯下幾船回如此百泉落何曾一雨來  
卧遊那免悞生面信今開好結漁人伴晴陰飽釣臺

青山道中

前人

野盡忽幽躡翠圍已數重到來知有壑于此耐多松  
落澗沾懸畝歸樵倚半峰家山看絕似恍與故人逢

藏雲山房

前人

有壑能藏寺看峰俱入樓雲邊雙嶼起天際大江流

李太白先生碑記

前人

英雄奇偉之士立於一代流映千古必有不可磨滅  
之隱德令人成思盼想轉味無窮而詩文之高遠灝  
厚時出以動耀人寰亦千古而不墜太白先生古鴻  
絕真品也人主見之神氣高朗軒然霞舉不覺自忘  
萬乘與之如對知交下此無論等夷矣予獨觀其拔  
識郭令公一事夫郭令公在微時素非氣詎特以赴  
都督讎草露布見逮一人至面無慚色詢知令公悼

嗟於河西王君龜之故太白點額記之因竭至誠向  
都督祈釋後果爲一代元勳而太白後爲永王事其  
自謂讎責夜郎天與令公碎舌所云能識臣子儀於  
刀斧下而不識永王璘之無成乎皆天特爲太白功  
名別白雖亦可極辨而彰獨唐將推李郭李功固多  
至其與禍逗畱不容迨夫終始扶植大義令日光再  
麗非令公而誰乎倘令早殉河西之失欲唐浴虞淵  
而回再造也得乎有令公不可少太白有太白而令

之事始奇有唐世不可無令公之奇有太白正以  
成令公而千古於昭生氣與陽光靡朽矣世徒服膺  
全集如千里江流吐出神仙腸胃鬱爲小大之宗固  
磨勒不盡要以卓赫天地惟此是其大者墓原在他  
山今續移半嶺之下則唐名賢范公開載極詳吉不  
揣謹書以載尾石

鄭公橋記

前人

去郡下南門可十里許有古蘭若僧舍其傍此路上

接于湖爲七省區要下有灌水橫衝歷邑之四圩與  
姑溪會舊爲橋覆之行者不致病涉斷碑具載尚可  
稽焉浸尋沿今而橋之石梁日廢路僅如線幾爲都  
水宮僧人如方大動于中遂匍匐而告太守鄭公時  
下車甫期月郡所頽壞悉舉獨有介於此橋之未成  
也遂慨然任而趣語吉爲衆姓倡夫禪門廣大其爲  
肇荆寂若烏有卽所稱放光鷲嶽金堞香城不着一  
毫音相高僧興福彙中如法成者長安海池支分安

渠獲佛屋經樓之異又如慧雲見隨河瑞氣瀾漪中  
有天窗影參差樓閣合脊珠璣亦且過而不畱曾是  
一葉功蹟而勃勃于懷邪惟是橋與水爭不濟則水  
馳土漲亡論七省來往無地而此四圩之金錢逋負  
其將魚鱉爲隣乎夫事有經聖賢而不作者蓋以不  
必作故也至於築室爲梁獨推賢於杜預可知古今  
理同一轍太守鄭公不論橋之或大或小津津有富  
平之慶而如僧日披拂于齋居露禱之下有不見而

同然恍然體太上以爲心者乎橋凡丈尺若干深濶若干此僧之意更欲稍建於東爲構數楹以便途旅休息姑不盡贅而識其大者以告四衆題曰鄭公橋者宰官志始事當得不朽云爾

濬河記略

前人

姑孰境東南以金陵徽宣諸溪瀦而爲湖曰丹陽已  
行遶出白紵凌家山鬢郡治下三江以北曰姑溪  
河古郡雉雄亘跨溪河上宋初燹於兵徙治縮三之

二始表河而城復外甃太平天井兩壩納河入濠鑿  
郡東西市渠隙城南北而關引濠注之出達襄城河  
與外鬢河會維時相繼守土者所爲開濬諸記甚備  
要其所重濟涉漑田救焚禔疫利士試有司而流汗  
漚清令風帆雨檣往來兢捷想見宣通精爽與民物  
受之者前人之亟亟非其得已而喜事也而載準以  
形家言則兩河適分位巽丁當府脉川字出洪之界  
交於府右而委洩于乾戌形便之與風氣實互相乘

作者遺意遠矣獨以河避市易壅壅則濬竟則濬不勝壅豈惟終宋世無常畜卽入國朝遞至今日濬以十數工累役而無役市有河而無河者何也公私之議率苦于侵占之難奪與經費之難繼而風水無馮水滂可慮因得以惑之兼主者之真心切意與才辦精敏固未可問此其故又在移徙物力陰陽水禳之外歲昨乙卯直指姚江徐公來按行城堞適訊河身引注與外壩爲通塞爰啓外壩入壕顧奉行於城

隅通濠三關關遠未深議卽所開陀視諸占隘亦不時清而今直指駱公來當駐劄姑孰初蚤悉郡有河從來濬法未暢密與郡守胡公圖公出則以指趣諸士亟呈勿失乃諸士謁辭未半而直指朗諭已了了先之市河之在城內如人臟腑血脉南北水關則咽喉而尾閭也啓閉時何虞外患今姑息侵沒不大創通身終不利計能崇者獨濬也乎哉有坐令六秀不上堂而破生旺去而民物晏然者乎彼形家言豈真

不值祖龍一燼邪諸亦于僉議誠力若直指與中丞  
臺與道府司屬會無不力金錢視摧該府藏數千金  
若直指能爲發亦無不力毋不給是慮隨飛蓋踏勘  
隨大署呈略云濬濠建閘廣疏鑿嚴侵占惟良有司  
行之有漸持之甚堅乃可底績蓋卽與府公圖而茲  
其斷者也府公成畫已具益虛而集里中諸人條織  
悉上熟酌之入而稟成既定令乃下河面挖展畫若  
千尺深如之役夫以里甲懲匿惰惟勤嚴諭沿河積

占者憑治釋不罪第籍其家率五等給資以爲差令  
自礮隄而官礮不與焉水關故不數尺趣毀展濶視  
河第小縮置閘加堅與密設有澇度不能與我爭處  
此更啓外壩加深節節通利于是溪河入而四岸壁  
立二水分流雙槳輕舠欣欣稱便諸窪下地亦不苦  
滄沒正如沉痾人得靈藥頃刻通體腑臟血脉吐納  
頓暢神采欲仙矣乃公私所尤欽者初議時里人曰  
先關而後河公入奉指曰先河而後關蓋以慮始非

常惟移徙難奪于難處做開當不可罷關閘固自審  
得爲耳旣移徙時擾擾見告計所區想心血爲盡使  
易手爲之不知如何氣竭欲停而公果持益堅而竟  
濶深畫一徐乃畢力三關堅而以漸行之果如直指  
片語括盡至其趾錯工徒眼程木石有巧胥黠匠欲  
冒錙銖而不得者又令易手爲之不知所出何算此  
種真才真意密密與直指印合深摯去處誰得名之  
歲時風氣不必遠俟徵驗惟兩至誠質天地已陰陽

在握矣諸士民快覩不日之成恩直指公不朽而思  
所以勒貞珉祠俎豆者其又何能已夫姑孰緊居孝  
陵上流丹陽湖所瀦諸溪出姑河係龍沙內水宋人  
鑿引入城宋非能用姑孰也真龍沙水穿城入堂竇  
通御氣數百年應高皇首渡駐蹕開潛詩曰綿綿瓜  
瓞民之初生向來通塞第占一郡其解細矣直指勁  
節忠讜祖廟膺靈咫尺鼎湖此地此脉穆然胸際而  
以其細者爲里人作解里人直以爲解在是也恩在

是也又何知吉亦聊次其概至纚纚詳之則惟名公  
之如椽在

采石謫僊樓

湯一統

天門雲散兩峰青良夜相逢忍獨醒泛月一樽携采  
石乘風萬里指滄溟光搖河漢槎邊落聲送關山笛  
裏聽共醉蓬窓忘漏永且移蘭漿不須停

秋日偕友人泛舟采石

倪瑞胤

松壑含風勢欲騫携尊跋石夕陽前雙蛾半歛餘寒  
色靜練平舖帶暝煙水落漁舸爭出浦霜稜雁陣遠  
連天錦袍夜泛人千古高韻誰呼月滿船

登橫山題壁

前人

茲山秘靈異怪石排爲戶琤琮在山泉赴壑蛟龍怒  
孤雲去復來時抹蒼崖樹寒花媚幽姿想是丹餘土  
真白已上僊洞壑誰爲主我輩來躋攀雄辯馳風雨  
天際選湖山胸中任吞吐

青山

王大壯



爲選青山勝緣崖叩石扉澗邊藁篠合池上片雲飛  
破蘚香侵屐穿松翠濕衣登臨幽興劇矯首意何知

凌敲懷古

前人

浮丘漂渺接孤城遠躡凌敲石磴平此日河山仍世  
代當年歌舞擅時名翠華久矣雲霞護玉殿依然草  
樹橫最是夕陽鴉噪處令人懷古不勝情

春日遊金峩華蓋洞

魏之屏

雙柑斗酒度金峩峴眈鶯聲入艷歌萬樹桃花飛絳

雨一谿新水湛清波巖懸薜荔三春早洞鎖烟霞五  
色多神女已參鸞雀去笙簫猶自繞青蘿

洞相傳爲  
女冠所開

汎舟采石值雨

李冲斗

相見各悄然命舟之江滸冥濛未卽收淒風冱寒雨  
潮平積霧深山缺層雲補一卮一凝思觴政殊無苦  
暑月此留連傷懷迹易古夜榻一燈微刺刺西湖譜  
待向春明期游屐知焉取

謫仙樓歌

吳士琇

仙籍兩禡饑不死明月千載沈江水江頭鬱鬱十二  
樓蒼梧不見烟波愁樓前李花靜無語春風吹落歸  
何渚沈香亭折喚不醒江樓夜午窺得停鯨呼巨浪  
舞磯下鵬捎長雲連四野紫綺夜濕露無聲醉挈芙  
蓉朝玉京空樓歲暮簾不捲江潮如鼓風如剪樓前  
江水駭殺人時時刻刻怪變新我嗟世事不如水歲  
歲年年貼樓趾堤印孤鴻跡已消檻拂雙蛾黛不描  
樓頭酒盡江頭酷洗耳夢聽誦三賦君不見前身伯  
漢殿同榛蘩

過采石

前人

陽老宮戟伐毛洗髓遭訶謫深山蒿蘆金馬門秦房  
尋山穿石罅放艇亂江流匹練磯前織修蛾天際浮  
帆輕三峽水楓落九疑秋直北平蕪望風烟起夕愁  
秋高萬里迥江空磯下寒潮磯上楓千古流雲吹月  
夜惟憐估客咏孤蓬

牛渚

前人

雷峰閒眺

端汝洋

孤巒天半立，日夜會龍吟。  
吳楚江聲合，林巖雨氣深。  
狂呼千里月，痛飲一囊琴。  
搔首石亭畔，悠悠思古今。

謝公池

前人

百折板崖險，藍輿小徑偏。  
鸚花籠曉霧，絲柳織寒烟。  
疊石岫爲屋，畊雲嶺作田。  
何須歷五嶽，此地足

早春游雷巖

倪漢儒

臘盡江城春又逢，探春結伴到高峰。  
閒身幸

擾野興偏於丘壑，濃寒勒岸容欺弱。  
柳晴驕山色媚，孤松重來桃李芳。  
菲日踏遍蘼蕪荷，鍾從

梁山晚眺

楊芝瑞

怪石巉巖轟轟雨，峰青天削出玉芙蓉。  
登臨一嘯浮雲淨，竹杖凌風欲化龍。

同沈崑銅朱西，離家尺木月盤山。  
得雷峰二字

正韻

蕭雲倩

出郭穿雲入翠微，雄才健氣總難追。  
繁霜猶啓巖松

秀澹日能留野蔣暉石逼中峰連象斗秋歸萬壑隱  
龍雷登臨共涕河山邈相醉花前未忍回  
一杖憑空逐怨鴻幾年踪跡任飄蓬千林落葉成金  
谷十月高寒竝玉峰客屐早迷山下霧仙幢夕捲洞  
中風殘陽古廟荒涼處猶覺深潭起臥龍

蛾眉亭

徐弼臣

江許雙峰峙虛亭對面開蛾眉如顧盼蟻酒勸徘徊  
紀勝碑繞同人特地來采磯疑洛浦神女出江隈

謫仙樓

端揆

添花煩惱惹花羞一曲清平宮怨收惟是夜郎漂泊  
後蛾眉雙鎖爲君愁

雨霽登橫山

集古

鍾嘉生

蕭條微雨絕

賈島

林曉日初懸

宋之問

石壁橫翠色

李白

雲門吼瀑泉

杜甫

曦庭交雜樹

陳子昂

神府枕通川

駱賓王

王夙有求閒志

鄭巢

人來意豁然

羅隱

九日從家都諫招同孫我弘張貞菴楊仲房林

楚良方姬靜憐泛舟眺龍山 前人

九日龍山飲

李白

千峰劃彼蒼

孟浩然

開襟坐霄漢

宋

問延首詠霓裳

王績

酒影搖新月

岑參

河流帶夕陽

喻島

今朝落帽客

錢起

懷古醉餘觴

李青蓮

太平風雅閨秀

釣魚臺

凌雲山下

濮士魚

巖石大于臺臨流補洪缺一水自滌迴萬山中斷絕

臺上草如絲臺下鷗如雪月下是何人垂竿釣未歇

舟泊姑溪

端淑卿

舟泊姑溪上殘霞晚不收潮喧半江月水映一天秋

荆益英雄盡秦淮今古流却怜飄泊客恍惚水邊鷗

橫山灰井

前人

春老鶯無語風生樹有聲登山疑是夢採藥不知名  
玩水鷗吟細臨松鶴唳清煉丹求術法灰井覓雙成

暮泊丹湖

前人

扁舟薄暮繫江干日落鴉啼萬木殘一片漁燈明遠  
水數聲仙犬吠層巒芙蓉月冷花枝瘦蘆荻風高雁  
影寒自愧驚濤雙鬢白定於何日是平安

峨眉亭

前人

東南山秀麗王孫樂此遊絕壁懸京口奔流下

漁樵雙岸火鴻雁一聲秋捉月人何在依依月滿樓

秋夕泊丹湖

前人

秋水茫茫帶白蘋魚舟蟹網集湖濱長空入暮烟雲  
起只聽歌聲不見人

太平三書卷之十一

濟南張萬選舉之甫編輯

風雅二集

午渚

張時暘

笑兀磯頭春浪生  
天門霽色擁江城  
六朝已逐浮雲去  
二水從含片月明  
點點征帆風外渺  
寥寥烟樹望中平  
王孫斗酒還堪共  
何事靈犀徹底清

黃山

前人

林臯雪色入春饒徐步招提過野橋倚馬客來山寺  
寂收鷄人去碧天寥澄江一碧連三楚行殿千櫺感  
六朝徒倚浮圖重眺望五雲深處正岿峩

訪吳波亭遺址

羅萬爵

江亭地弗吳波冷何處闌干艷春影蜀客當年不再  
遊常留赴海岷江永岷江東過中江路岸接黃鬚擲  
鞭戍抵枕人驚赤玉盤霓旌導出扶桑樹亭題拾字  
湖陰曲曲愛春波凝曼睩赤日妖星異死生虺隤  
驥騰龍足重徠天馬珊瑚鞭迴數齊州九點烟共道  
日輪升浴谷莫誇雲旆展連天

舟中望謝公山

陰德顯

望望青山近層嵐映夕暉烟從林杪出身傍水邊飛  
隔岸成魚市中流問釣磯臨風空憶謝月色上秋衣

荆山

湯一湛

孤亭削壁水雲浮一片嶙峋曲磴幽玉瀨飛聲花作  
雪湖天照膽鏡爲秋翻來世事人如夢笑語風高水



自流石篆苔文深日月相看疑是峴山頭

靈墟山訪丁令威仙跡

鍾斗

仙去壇空歲已深祇傳千載說銷沉洞門草色猶風  
兩山頂松聲自古今幽磴晝寒丹火伏間林春暖碧  
雲陰我來欲證長生訣鶴化歸遼何處尋

咏白紵松風

前人

何年古幹尚凌風天矯雙柯欲幻龍鹿尾移根依怪  
石虬枝飄影拂虛空冷冷夜奏幽泉細謾謾陰生衆

壑通一自清商傳晉曲至今流韻碧烟中

白紵山省墓

徐一范

霜染層林濕紫烟佳城重拜夕陽前只傳當日迎南  
渡又說今時定北燕白紵歌沉山寺外青蓮墓隔帶  
浮前遙遙華表千年立目斷西風鶴影翩

采石道中

張一如

雙筍越文山嚴霜犯客顏程遙幽話縮候變旅情關  
淺水寒魚上頰滕逸鼠聞利名消不盡塵路滿人間

泛歐湖

前人

不必從遙望舟中人自仙能離城市日只在水雲天  
海石爭枰道江瑤費箸錢持竿者何意羨爾更適然

再泛歐湖

前人

此水東南去本是荆溪源後來隄防之西流赴江門  
蒼巘烟渚上彷彿意猶存歐陽者誰子扁舟弄朝昏  
標題已異代野老時能言山川與人物空虛來往痕  
逐逐彼羲和鞭扶無停轅吾家本湖畔波浪相吐吞

曉月如出浴晚日如見暎孰過而問者聊以指山樊  
那意趣微名牽人乘高軒數載隔湖聲山蘿不一捫  
同懷感諸彥蕩漾開金樽烟霞若故知相對酬寒暄  
世態良易盡素志宜益敦我思今昔意化機已更番  
他日念此語潮枯刻山根

秋泛歐湖

前人

聊得隔闌闌已是桃花派高懷遵回溪謝客在石門  
巨浸忽向渴贖有微瀾存隨洲生迂折延緣至黃昏

如此樂虛蕩真欲忘名言爲思塵境事俱有晚世痕  
羨彼茅屋叟烟隄鞭犢轅亦羨漁磯客垂綸任魚吞  
胸恒無一物睡覺臍輪瞰名利忽中人入世類遊樊  
樂島以已養寵鶴以乘軒機心酬物處未易良可捫  
所願向江湖種匏爲大尊輒又自珍秘不獻負日暄  
有田當卽歸此盟與君敦蒼山鎮常在巨鰲不交番  
鑿巖維我舟飲淥澆靈根

宿慈湖

前人

閣盡高低路幾盤雙衾一榻寢應甘人更旅店遊將  
老身託輿臺事未闌荒埭月依雞夢靜寒槽風動馬  
鈴酸慈磯北去馮舟楫應及清時度急湍

靈澤夫人祠和韻

前人

磯痕亦帶瞿塘波空浸閒雲草共窩石鏡不來泉下  
照玉人猶向月中摩當時家國心俱破此後興亡閱  
又多爲問江南香火地今成北岸樹良禾

金陵不隔此烟波生死愁城亦樂窩路駕仙車雲一

色宮留故劍日三摩蒼梧帝子悲應似花蓋夫人恨  
已多惟有銷沉憑弔意磯頭風雨隴頭禾

泛姑溪

前人

遙溪相委輸青山龍山間風生牽羅帶草綠搖碧環  
磬壁蝕危岸竿筑咽隱灘常鏡日月孤亦寫雲霞殘  
石髮愛膏沐鼃衣浣組紉鮫人有離宮鯢旋無定潘  
游魚若在虛回島爲比翻約結數高士叩此桂楫閒  
未至映華髮且須照蒼顏觥觴交籌祿筆舌領波瀾

謝李迹已陳桓孟名已闌造物費塵垢爲世鑄賢妍  
共有弔古情千載同永歎不知誰曠懷能付一抹刪  
直推理與往曲任道與還忽忽百年內莫負吾溪山  
元夕自慈磯至太平  
前人

曉載江舟雨河梁泊已燈千簷流濕日一照散春冰  
爆竹時驚旂銀花盡剪繪城闔游屐雜歌管壓金陵  
不盡春途色還看晚市輝火城紅蠟借冰國六鰲依  
因憶風流守閒評賞鑒歸蕪湖何必勝此意正深微

采石江上送家大人應詔北上  
倪蕃胤

攜手循山際高巖古木蟠秋波迷樹抄斜日澹松巒  
碧落連江盡黃雲直北看天空愁露下應念薊霜寒

游范蘿山

蕭雲從

蘿山頂上望殘春盎盎春氣喧游人春林蔥鬱張高  
陰悲曉鷓鳩摧春心深青蕪綠豔膏沐江鏡濃舖畫  
一幅濯枝屈佛松千株忽使一山俱有骨虛空不留  
指點痕倚山長嘯楚天驚縱情瀏覽無滯想靜心相

對澗江平憑江望斷天爲低天光水影長參差江爲  
借炤天無秋兩物上下瀾淪之風卷頽雲暮蕭索吹  
送歸衣越羅薄鴛鏡鷺鼓黃昏齋烟綠叢中吐朱閣  
江潮誼誼細浪花馬頭燈火鬧浮槎環如鱗瓦排蠶  
衙高低粉堞十萬家夕城擁醉成俄頃碧玉啣光炤  
天影雲插孤青亂遠氛江上嘖嘖數枝筍

登禪嶽寺

端茂杞

幽勝常疑浪得名乘閒登覽慰心旌日移千尺蒼松

影風送雙溪碧澗聲坐石苔衣侵短袂凭欄山氣浣  
虛纓老僧烹茗資枰戰頓令煩襟一日清

泛舟溪上夕登荆山

羅世繡

春山淡如咲餘霞湖上浮載酒碧波起羽蓋遲經丘  
閒情與勝賞討論相紛糾水雲寂還絢道路短亦修  
投鳥翼前驅林壑加深幽平楚不可極長風吹颼颼  
列炬耀泐錫乘燭稱良游高松翳繁星栝鱗動蒼蚪  
德璧傑鬼立羣枝髮紛揉依稀似有語面目誠自羞  
維嶽昔降神生申蕃於周千載結一洩磊落今名流  
黃山幻黃海龍髯夙所留騫雲鍾藻思丈人多冥搜  
來過關令尹西去乘青牛培塿聊寓形寧堪答綢繆  
往在泣足人抱壁與世酬連城未卽償路隅誰爲收  
頑石淪他山能無發深憂

蝦磯

前人

望帝春殘帶血啼臨風吊古一含凄埋幽暗鎖吳宮  
恨飛夢空勞蜀道迷松栢成陰如擁翠魚龍負石爲

磨笄水心自有澄清處莫向粧樓覓舊題

姑溪

端茂杰

小閣欹危岼悠悠思不羣  
鷺聲三里店人卧一溪雲  
看劍星芒濕停杯月色分  
輞川圖畫絕此地共清芬

翫鞭亭懷古

沈士柱

亭影荒涼落照中古隄  
衰柳動悲風江城烽火連雲  
黑野店珊瑚拂酒紅當日  
反轅同鐵馬後人停轡笑  
沙蟲豺聲未震烟塵靖深  
媿君家老阿童

湖居

徐鼎臣

數卷茅茨傍野沚環溪窈窕隔塵紛  
孤欹半壁驚風雨小闢明窓納水雲  
詩弔青蓮移短棹歌裁白苧醉殘  
曛莫嫌竟日無人過雪鷺霜鷗自可羣

隱靜寺觀李太白先生碑

郝一楷

結伴探奇路不迷千峰翠嶺隱招提  
建緣杯渡來梁季山買深公自晉西  
野篠拂雲欹古閣寒松積雪鬱深谿  
何年斷碣叢苔蘚翠蝕青蓮彩筆題

寒壁

張其宿

翠律千尋湖上瀕  
土花石蘚筆難皴  
波凌玉女裳爲  
蔓月照山魃甲似銀  
爲覓舊題苔盡掩  
欲鐫新句石知顰  
捫蘿攀葛巔難陟  
雁影峰頭羽化人

登荆山

葛天驂

嵐光隱隱傍河濱  
石立崖飛香氣紛  
寒鴈幾鳴湖畔  
月疎鐘時送嶺頭  
雲苔封翠壁啼猿  
冷霧積空江宿鳥  
分莫問卞和光十  
乘且從沙碣拂殘  
文

登荆山步葛二霜華韻

韋一鶴

寒崖翠嶽砥河濱  
徙倚孤亭落葉紛  
浦岸蘆花搖落日  
數行歸鴈掠荒雲  
湖容一鏡波光遠  
壁立千尋嵐氣分  
何可勝遊無紀事  
酒闌索火誦碑文

土山般若菴

巫之巒

十步轉一徑  
徑幽雲不知到門  
忽所見萬竹沸南  
颶綠光遍山去歲  
蕤無定姿束衣登  
峭閣日定十花池  
老僧爲余說天子  
曾于茲錦褥供跌  
坐兼錫寶王彝



我用裁短偈青鳥亂玄詞杖藜探路極開塞隨轉移  
因憶山無曆春信發梅枝

初夏自郡返邑入赭山鼓下矣從輿中看山猶

可髣髴

張九如

乘籃破暝晚歸便入谷看山尚宛然幾處疎燈忽明  
滅孤城落月白嬋娟塔邊雲起僧寮寂樹外人稀客  
路懸何限野香風欲度重來應爲弄新妍

春游青山白雲寺宿山下止

月菴

張宿壁

臨池猶想晉衣冠春冷空山曉氣寒掛影絲蘿牽翠  
帶依堦細草遶青壇閒雲邀我俱爲客老樹經風易  
作瀾攬勝莫辭幽徑險輕鞵還拽上層巒

細掬游塵欲滿衣向林寒鳥定還飛穿山破屐愁危  
路回首饑情眷落暉古洞臥雲招鶴寢斷崖啣月照  
人歸草龕一枕霄鐘後孤夢猶將訪翠微

歐湖隄上遙望青山

蕭一芸

最是秋郊曠山容在意中烟深疑路迥雲斷可情通

木末孤巒出湖邊翠影空玄暉如有意幽賞與君同

紀異

鍾異人名嘉生當塗人易簣之自延高僧讚佛號微笑而逝面貌如生兩手趺坐若有所結逝前一夕語其尊甫都諫公曰兒將去又曰此去白紵違親不遠生死去來耿耿不昧殆再來人非偶然也其詳載顧宗伯錫疇傳中

濮仲謙名澄當塗人嗜酒能詩尤精于雜技凡竹木犀玉之屬經其雕鏤古雅絕倫巧奪化工士大夫珍之如得至寶蓋亦游藝之僑盼也

附風雅補遺

天門山

陶安

混沌未鑿天門閉帝遣斷開雙闕麗一抽鍵鑰不復  
徬彷彿聞闐闐當雲際岷波如絲來自西狂飈忽駕滔  
天勢驅馳銀馬就兩崖虎豹遁藏閤者逝向年未曾  
到此山遙望不知誰抱關但見青山兩黛動顰笑畫  
出八字宮眉彎春來堤柳青裊娜二梁開顏忽招我  
一在淮西一江左我詩船船不過仰看天光覺天

大愛惜玻璃不能唾舉盃帶月嚼冰玉桂香萬斛洗  
空腹夜檄江妃舞長袖爲君翻作天門曲憶昔充貢  
兩赴京九重晨起瞻龍庭懷策空歸名不薦五門簪  
花夢中見

韜玉峰

徐傑

我我百丈石夜夜光怪生疑是赤龍起忽有暗雷驚  
飄然落精彩下炤合衛城西域有異僧能辨璞與珎  
揮手向人言此中有良英剖之資世用不見雙南金  
時無向信者萃嶽空埃塵

梁山風

夏祚

曉日度山光不徹陰風吹水玻璃黑驚獅迭馬澡萬  
雷輕帆直界蛟宮雪冰夷倒拔白龍尾白龍翻江江  
立起高者爲山下者谷軒山輕谷舟如擲藥叉窺人  
耽一嚇同舟閉目稽心慝我謝舟人當柰何告余何  
處不風波我亦十載勞勞塵土路崎嶇歷盡驚心數  
須臾風靜烟生一鏡平堪邀一咲凌波去

青山白雲寺

郭登名

古寺白雲封，捫蘿陟幾重。  
碑殘湮頡，鳥桂老舞槐。  
龍一片天浮翠，千行野織茸。  
遠公勤致酒，謾謾聽長松。

橫山

前人

一勺盈盈注小坳，真人養晦舊誅茅。  
五千餘仞岡巒迥，三十六峰陵谷交。  
石勢立屏常護繞，泉聲流韻細推敲。  
上方修證超諸品，孰是根株孰是梢。

螻磯題孫夫人廟

張宿壁

香氣氤氳透曉牕，碧鬟風影尚幢幢。  
楚山楓葉時飄瓦，蜀地啼鵑不渡江。  
大小阿喬曾有二，風塵老媿笑無雙。  
彩鸞未返吳波濶，沙土寒流迸石隴。

杜退思舟開采石山望別

曹履吉

別上燃犀頂，看開楊子津。  
沙如盤尼舫，石亦語留人。  
久立揮襟數，芻觀入畫真。  
此情疑小異，良約昨重申。

秋日登橫山

鍾秀生

爲攬名山勝，披襟特地過。  
霜侵楓落錦，泉溜石鳴珂。

寺古仙留跡峰高雲掛蘿悠然坐嘯處渾欲爛樵柯

遊青山

周之德

旅宿窮名勝初登信古傳行遵山向背情與石周旋  
納遠月爲覽凭高空可憐謝公遺蹟在同坐到寒泉

太平三書跋

琴部風新寫金潮而湧月畫堤歌舊  
靈簪嶺以吹雲石父來圖洛童小獻  
是才高張左京都賦練十年墨潑  
黔黃川岳攜歸兩袖襄輪表勝峴碑  
習唱俱傳錦蜀翩暉菊墅芙蓉城並麗

僊瀋落香波之劍禪吟成釧閣之笙  
題魚鏡於紅濤廣陵龜後剪驪蓮於  
碧渚華汴春餘盡靚竒觀悉成勝譜  
繪此繡輿之平帖則曹花出水吳帶  
當風琢斯玉語於清研則雲陸天章  
眉蘓地秀况茲姑甌夙號名區險峙

天門雄飛采石錦江舟上李學士之  
題觴白紵峯頭桓將軍之擁妓下探  
蟻磯之穴引線難援上登牛渚之顏  
燃犀可燭赭圻城古絳雪亭遥謝家  
燕去堂前青山自韻丁令霍歸華表  
噓柱長存秋光浴硯之清流春色玩

鞭之勝蹟凌敲臺上劉郎別館煙封  
橫望山間太尉雙牌雲冷我橋雪霽  
想天上之玉妃姑浦瀾迴擁水中之  
蟾女地華旣擅文秀亦榮采瑤軒臣  
用東蒲紈而問字繡衣憲使堪投脂  
石以輜書者也乃我

司理張公學洵橋人風高桐齋花彞  
重望山孫應送翠巖圖珺鼎新裁閣  
子宜抽紺玉管且以駱王品韻兼之  
稽阮風流谷札樓蜃拂波箋而賦曉  
雲囊斛笈披蓉粉以鐫函是將弁壘  
口之墩尚先試箏頭之步籌燈有暇



雅志詩文歌袴以來贈歡山水棠陰  
半幅裏黍雨一絃中為輯三書永稱  
三絕矣京也鷓紳忝効鷄磬終慙願  
比蕭鏗釵塚無貪銀繭敢同李令碁  
齋時接青蓮但以馬倦新陽抑六巾  
疆冰署江郎才盡難工鴛墨之詞鮑

子華零空羨鳳肌之紙拭茲新牒實  
快清供梅軸裝成開卷見銀濤瓊岳  
椀齒點就懸書即珀市蠟川將一編  
堪贈玄暉庶十咏無差李赤耳殿言  
有愧佳事堪颺謹跋

順治五年歲次戊子夏日

姑孰屬令張京題於種華處



